

## 序

麻瘋又名癩疾，古今中外，悉認爲難治惡病，患者遍及全球，尤以我國爲數最多，據專家統計，在國內有百萬人以上，滋蔓地區，尤以兩廣福建、雲貴川陝爲甚，長江流域之蘇北，黃河流域之山東次之，此症病史，遠在數千年前，醫書內經均有明文記載，其病因病狀如：「風寒客於脈而不去，名曰癩風，癩風者，營衛熱附，其氣不清，故使鼻柱壞而色敗，皮膚瘍潰。」癩風卽今之大麻瘋也，內經亦稱大風，千金稱惡疾，肘後稱癩病，怪惠方稱大風癩疾，醫學入門稱天刑，至清葉醫宗金鑑，始稱大麻瘋，今人沿用之，古人無科學儀器之備，不知傳染性之病症，皆爲病原菌所釀成，每以風寒暑溼之客於經脈言之，此症稱曰癩風，極言其病之難治，可以想見，歐西科學醫國家，對於麻瘋之病理研究，分晰至詳，茲特加以摘述，俾補編者之作。

麻瘋之病原體，係公元一八七九年，西人韓森氏 *Hansen* 所發見，名爲列不拉 *Lepra* 桿菌，極似結核菌，富抗酸性，不易殺滅，吾人簡稱爲麻瘋桿菌，專侵害皮膚粘膜

，及神經與內臟，於組織中密集成束狀，故病處易呈結節形之微腫。

此類桿菌，常存在於病人之涕唾便物，及潰瘍面之腐液中，其家人常與麻瘋患者接近，則易感染，侵入之途徑，多從鼻粘膜、皮膚汗腺皮脂腺、生殖器等爲門戶，故男女密接，尤易傳染，其潛伏期甚久，有一二年至一二十年，始見症狀外發者。

麻瘋症狀，初起顏面四肢臀部等之皮膚，發生赤斑浮腫，而有癢痛，皮膚乾燥，繼則顏面部之皮膚增厚，有特異之光亮，而帶紅色，或褐色，眉毛稀疏脫落，前額鼻頤，眼臉耳翼口唇，有肥厚之結節形成，常發癢感或麻木，四肢皮膚面有結節或斑紋，亦發生癢感或麻木，終則運動障礙，指端腫木捲屈，或筋骨間疼痛等等，以至結節潰爛，足穿指脫鼻塌，陷於死亡，此爲麻瘋外形之一般症狀。

就麻瘋症狀之不同，分爲結節性麻瘋，神經性麻瘋，與二種性質皆有之混合性麻瘋三大類。

結節性之麻瘋，先由麻瘋桿菌侵入皮膚粘膜，形成皮膚面之斑紋，漸次擴展，浸淫組織間，形成肉芽樣組織，成爲結節，隆起於皮膚表面，或淹埋於皮下成爲硬塊，

大小不一，通常爲暗赤色，漸變黃褐色、灰白色，此類結節亦能軟化而被吸收。但一方面則繼續新生，反而逐漸加多，顏面與四肢之背面，生殖最繁，顏面因結節之多，表皮形成肥厚隆起而緊張，鼻扁平，而唇翻翻，鬚眉脫落，成爲光禿，亦如戴假面具然，兩足則浮腫硬結，鼻腔咽喉等之粘膜，亦起腫脹硬化，呼吸失常，飲食艱難，咳嗆聲嘶，此類結節，久則潰爛，於是有鼻塌指脫之慘惡形相。

神經性之麻瘋，由麻瘋桿菌侵入神經鞘，亦起肥厚結節狀，而起變性破壞，於是其附近之組織、知覺、運動、營養、漸次消失，終至潰爛，初時在皮膚表面所現之狀態，類於結節較大之斑紋，褐色或灰白色，每左右對列，生於肘膝手足背面等處爲最多，初起斑紋之處，知覺過敏，感熱感癢，時或落屑，繼即發生麻瘋性神經炎，而致該部麻痺漸次擴大，一切知覺，亦逐漸消失。被麻瘋桿菌浸潤部之組織細胞，失却營養而肌肉萎縮，失却運動機能，在顏面部多末梢性神經麻痺，無復喜怒之表情，眼則上臉下垂，下臉外翻，結膜發炎，淚液常流，口則唇肌不收，流涎難語，在手則發生運動障礙，時作震顫，肌肉瘦削，手指蹠屈如鷹爪，漸次波及上下肢，

不能運動，知覺日減，營養障礙，皮膚乾燥萎縮，繼則慢性潰瘍，指趾脫落，足跟穿孔，終則因併發症而致死亡。

混合性之麻瘋，皮膚粘膜與神經鞘，先後皆受麻瘋桿菌之侵害，上述二種之症狀，或先或後而相繼發生，此類症狀，比較最多。

死亡以結節性麻瘋為最快，自發現病態起至久有七八年之生命可延，神經性麻瘋則最久，可延一二十年之生命。

此症之頑固難治，數千年來尚無特效，與速效治法，近雖一致公認之大楓子油療法，亦非特效，而且反應甚多，歐洲各國，每逢病象發現，不論輕重，悉與隔離，強制治療，故蔓延不廣，且漸見減少。而我國之隔離設備，有而不多，且民衆衛生常識，尙未普及提高，未患者，不知預防，既患者，不謀隔離攝治，故病者數字之多，甲於全球，國內醫家，能專治此病者尙鮮，有則亦偏重藥方，瘍醫大全，集古今治麻瘋之方甚多，病輕者或可收效，重則每感束手，方之西醫所發明之大楓子油療法，相伯仲而已，無怪千金方之作者孫思邈嘆為十僅一治也。

况君乾五今以運用鍼灸術，佐以丹藥，能於半年中，醫治嚴重之麻瘋，收效在百分之九十以上，在時間可云最速，在治驗可云特效，一掃數千年來舉世所認為不治惡疾之固障，實開世界治療史上之新紀錄，不僅為吾道光也。

按：况君雖係本諸黃帝內經：「病大風骨節重，鬚眉墮，名曰大風，刺肌肉為故汗出百日，刺骨髓為故汗出百日，凡二百日鬚眉生而止針。」之學理，從而推行特效療法，亦可云發皇古義，創造新知之作者，謂為麻瘋「大救星」誰曰不宜。且編者思想進步，常以利益羣衆為懷，茲以治驗所得，集成「大麻瘋鍼灸特效療法」一編，發願公之于世，欲廣其術，冀登千萬患者于康樂之境，蓋其存心活人，有不能自己于懷者歟？

邇值中央對人民健康之關懷與重視鍼灸療法之下，是編梓成，吾尤深信我賢明當局，其必樂予獎勵而廣泛推行之，則利溥人羣矣。是為序。

公元一九五一年五月澄江承澹齋序於蘇州中國鍼灸學研究社

大麻瘋鍼灸特效療法

## 自序

人類疾病最慘苦者，厥爲大風，其初遺疾，不自知覺，迨至病發，日漸趨劇，皮毛肌肉，次第腫痺潰爛，雖身命尙存，而生趣已失，卽或出入所經，人皆側目掩鼻而過，甚至父母兄弟妻子之親，亦多聞而遠之，且飲食起居，迥須與人隔絕，其爲慘苦，孰甚於此。

余嘗憫聞大風病者悲號：「醫不好之癩子，但求速死爲快，」三復斯言，良用惻然！稽夫大風，風溼熱合而爲病也，飲食無礙，胃氣尙存，雖罹茲疾，何言不治，爰本悲憫之旨，冀得救治之術，乃盡發承師澹齋鍼灸薪傳之祕，孜孜鑽研，得其要妙，復佐以清血生肌之方，以之試治，屢多收效，是使余深信鍼灸法之能治療大麻瘋，蓋有特效焉。夫祕技救人，功效有限，孰若公諸人羣，利益無窮，因集一編，名曰「大麻瘋鍼灸特效療法」以公於世。一得之愚，未敢自是，尙願海內外諸先達，指謬而增益之，幸甚。

公元一九五一年三月永川况乾五序於南鄭

大麻瘋鍼灸特效療法



# 大麻瘋鍼灸特效療法目錄

承澹齋序

自序

病理

癘風與臟腑六氣之關係

病狀經過及變化

癘風必具之證狀

治法要旨

鍼灸何以能消滅癘風

鍼灸取穴

治療法

助治法

一 七 一  
一 七 一  
一 四 九  
一 八 八  
一 七 七  
一 六 六  
一 四 四  
一 三 三  
一 一 七

公元一九四八年至一九五〇年洋縣麻瘋痊癒簡案表	一一一
洋縣麻瘋未痊癒簡案表	一一三
一九五〇年冬及一九五一年春初開始治療表	一二四
書 後	一二七
編餘的話	一二八

# 大麻瘋特效鍼灸療法

## 病理

素問風論曰，風氣存於皮膚之間，內不得通，外不得洩。

此論風病之來源，存於皮膚之間，內外無出路，稽留不去，延蔓全身而為癘風。

風者善行而數變。

風性流動走竄，或入內，或出外，變態不一。

腠理開則灑然寒，閉則熱而悶，其寒也則衰飲食，其熱也則消肌肉，故使人悚慄而不能食，名曰寒熱。

此論風氣初客皮膚之間，因腠理之開閉，發為寒熱。

風氣與陽明入胃，循脈而上至目內眦，其人肥，則風因不外洩，則為熱中而目赤，人瘦，則外洩而寒，則為寒中而泣出。

風氣因肥瘦之關係，或入內，或出外，變為寒中熱中，癘風病大多目赤目黃，流淚者初期甚少，久則亦多流淚

，甚者服陷。

風氣與太陽俱行諸脈俞，數於分肉之間，與衛氣相干，其道不利，故使肌肉憤臙而有瘡，衛氣有所凝而不行，故其肉有不仁也。

風氣外出，爲癩風之所以成，入太陽之諸俞者，卽肺俞、厥陰俞、心俞、督俞、膈俞、肝俞、胆俞、脾俞、胃俞、三焦俞、腎俞、氣海俞、大腸俞、小腸俞、中脘俞、白環俞是也，既稽留於諸俞，則內而臟腑，外而肌膚，俱爲風氣所窺伺矣，乘其虛而竄之，太陽經幹線在背，合諸脈俞，則人身最外一層，俱爲太陽經所統轄，風氣散於分肉之間，阻滯氣血之循環，氣壅則憤然腫脹，血凝則結核成瘡，衛氣爲肺所司，今因風氣阻塞，肺精不得榮於皮毛，既無所榮，則爲乾皮死肌，故不仁也。

癩者有榮氣熱肘，榮氣不清，故其鼻柱壞而色敗。

榮血也，卽肉也，毛孔所以排洩血中炭氣者也，毛孔不通，炭氣無所排洩，則炭氣愈重，炭氣盛則血熱愈熾，外則灼燒肌肉，發赤發腫，內則乾乾津液，呼吸灼熱而鼻內結痂，久則崩壞，榮氣不清，爲癩風病之根蒂所在，血不清則菌生，如汚濁之水，積久而生虫也，癩風病血無不黑，重者如墨汁，色爲氣之華，不得精氣榮養，故枯而敗。

皮膚瘍潰。

風氣久而化熱，適於痲瘋桿菌之繁殖，始而結核，繼而臙凸，終則潰爛，濁水常流，痲癩累累。

風寒客於血脈，久而不去，名曰癘風。

此指癘風之病灶在血分，而定其病名，風病種類甚多，以癘風爲最毒而難治，故先論癘風，西醫稱爲麻瘋桿菌，尙未發明特效藥，風字從虫，風病皆有虫，與西醫凡病皆由菌類造成之理相合，古人目力能辨別者稱曰某虫，不能辨別者稱曰毒，早已發明病菌之理，無待檢驗而後知也。

## 癘風與臟腑六氣之關係

肺風成爲癘。

風寒客於血脈，久而不去，皮膚變形而爲癘風，肺主皮毛，故曰肺風成爲癘，有先天遺傳及後天傳染二種。諸氣臞鬱，皆屬於肺。

臞爲氣乖於皮毛，發爲斑癩癩風瘰肉等，鬱爲氣乖於內。

諸瘡痛癢，皆屬於心。

瘡由血分凝結，阻滯其氣，氣與血爭則痛，血虛生熱，熱甚生風，風火相扇則生虫，虫活動則發癢。

肝病者皆青。

凡青屬肝病，血鬱色也，癘風病之靜脈，大多青黑脹怒。

諸風掉眩。皆屬於肝。

肝爲風臟，病菌之產生，感風氣之蠕動力而成，風性動，故見症掉眩，癩風病大多有戰搖喎斜者。

諸溼腫滿，皆屬於脾。

脾不利水，溼氣壅盛而爲腫滿，患癩者無不腫，惟重在頭面四肢，不若水腫之腹亦鼓脹也。

諸寒收引，皆屬於腎。

腎主骨司寒氣，腎陽充則筋骨舒暢，舉動輕捷，風寒久留血脈，漸次深入筋骨，故拘攣，甚者趾墮節脫，今人

稱爲脫節癩。

風勝則動，寒勝則浮，溼勝則濡瀉，燥勝則乾，熱勝則腫。

癩風病肌肉內如虫行如風刺，來往無定，風氣勝也，浮腫而不發紅者，寒氣勝也，溼氣內浸爲瀉，外出皮膚爲溼淫毒瘡，燥勝皮膚焦裂，或起白屑，或如蛇皮，熱勝則癰腫而潰。

以上五臟之病，六氣之病，患癩風者無不畢具，故爲難治。

## 病狀經過及變化

潛伏期：癩風病未見形以前，身上某一部不仁（針刺刀割湯灼均不知覺，亦有無此現象

者。〕手足關節麻木痠困，若有若無，肌肉內有時如虫行，如風刺，少頃即滅，足小趾甲先焦縐，繼而餘趾甲亦然。

發見期：麻木痠困發癢不止，日甚一日，手足皮乾枯，無汗而厚，漸至開裂，趾甲由乾枯而脫，甚者手足指俱墮，眉痒特甚，繼而紅腫，鬚眉皆落，各部亦漸次浮腫結核，皮膚由四肢部先變燥裂無汗，漸次蔓及背腹，如疥如癬而成癩。

潰爛期：由斑而疥而癬而癩而潰，膿水所流，愈結愈多，愈多愈厚，體無完膚，直至膚裂趾指俱墮，眼陷鼻崩，諸竅均壞，支節脫，全身腐化而死。

在潛伏時期，有數月即發者，有數年乃發者，有終生幸免者，發見後數年即潰，潰後飲食行動亦如常人，壞及筋骨乃不能行動矣，熱毒入內，呼吸灼熱，鼻內結痂，不聞香臭，久則崩陷，餘竅亦多潰爛，女人大多由上而下，其來暴，男子由下而上，其來緩，但非常例。

## 癩風必具之證狀

麻木搔痒：麻風菌繁殖，阻塞血液循環，該部神經失去作用，故麻木無知覺，麻風菌活躍，欲擴大其繁殖區域，故無處不痒。

虫行風刺：風氣勝，正氣欲抵抗之，肌膚中時閃時跳，或驚或刺，此邪正相搏故也。  
鬚眉爪甲脫落：肝之華在爪，充在筋，肺之華在毛，充在皮，心之華在面，充在血脈，脾之華在唇，充在肌，腎之華在髮，充在骨，癩風病已至鬚眉落，爪甲脫，血不清，毛色敗，肌肉腐，筋骨折，是五臟之精俱絕於外也，不死何待，然猶可治者，以胃氣如常耳。

他如面赤浮腫斑癩、蛇皮鱗甲、皮膚乾燥焦裂。拘攣、痿痺、戰搖、喎斜等，爲癩風常有之症，或先落眉而後癩，或已潰而眉未落，或腫或乾，先後不同，隨患者體質，與六氣偏勝而異，故有稱爲鵝掌風、鷹爪風、脫節癩、蛇皮癩等，名稱愈多，治法愈亂，以白花蛇爲無上仙丹，大楓子爲治癩聖藥雖，可暫時殺毒，但血液未清，眉鬚爪甲焉能重



復，是病根未去，難免無復發之虞。

## 治法要旨

歧伯曰，病大風，骨節重，鬚眉墮，名曰大風，刺肌肉，爲故汗出百日，刺骨髓，爲故汗出百日，凡二百日，鬚眉生而止針。

寥寥數語，已括盡治法之能事矣，刺肌肉者，調和榮衛，開發腠理爲汗有出路故也，刺骨髓者，深入筋骨，內達臟腑，使內外之邪，一併廓清，經二百日之治療無間，可使必愈，蓋汗出則炭氣外洩，先聖後聖，其理一也。

金匱水病論曰，寸口脈浮而洪，浮則爲風，洪則爲氣，風氣相搏，風強則爲癢，風弱則爲癰，身體爲痒，痒爲泄風，久爲痂癩，氣強則爲水，難以俯仰，風氣相搏，身體洪腫，汗出即愈。

此節以水腫爲主，痂癩爲賓，二者俱洪腫，惟水腫病在三焦，小便不利，皮色光亮，肌肉如常，癰風病在血分，小便如常，皮色紫黯，肌肉腐爛，癩風將見形之脈，大多浮洪，以後則脈如常人，癩風病風水俱盛，故有癩癩，或有水腫，其有不腫而乾瘦如蛇皮者，風盛而水不盛也，水腫病治法，在發汗利尿，癩風只須調和營衛以取微汗，藉以消發病毒，以速復原，一般治癩，多用發汗重劑，更有用蒸氣法以大發汗者，均非根本治法。